



Broj: 14-11-4-5322-8/20
Zenica: 12.05.2020. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-11-4-5322-7/20 od 12.05.2020.godine, u postupku javne nabavke „Nabavka i isporuka prehrambenih artikala za potrebe boračke populacije u svrhu ublažavanja posljedica pandemije“, direktor Službe za zajedničke poslove Zeničko-dobojskog kantona, d o n o s i:

O D L U K U **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 14-11-4-5322-7/20 od 12.05.2020. godine i ugovor za „Nabavku i isporuku prehrambenih artikala za potrebe boračke populacije u svrhu ublažavanja posljedica pandemije“ dodjeljuje se ponuđaču: MADI d.o.o. Tešanj, kao jedinom prihvatljivom i najbolje ocijenjenom ponuđaču, sa cijenom od 235.643,00 KM bez PDV-a.
2. Ponuđač kojem se dodjeljuje ugovor dužan je dostaviti dokumente iz člana 45. navedene u tački 3.1 Tenderske dokumentacije, u roku od 5 (pet) dana od prijema Odluke o izboru najpovoljnijeg ponuđača.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama. Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
5. Za realizaciju ove Odluke zadužuje se Služba za zajedničke poslove.

O b r a z l o ž e n j e

Postupak javne nabavke „Nabavka i isporuka prehrambenih artikala za potrebe boračke populacije u svrhu ublažavanja posljedica pandemije“ pokrenut je donošenjem Odluke o pokretanju postupka broj: 14-11-4-5322/20 od 16.04.2020. godine.

Javna nabavka je provedena putem otvorenog postupka sa predviđenim provođenjem postupka e-Aukcije putem portala za Javne nabavke BiH. Procijenjena vrijednost nabavke je 249.999,00 KM bez PDV-a.

Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a.

Dana 17.04.2020. godine objavljena je tenderska dokumentacija na portalu Agencije za javne nabavke istovremeno sa objavom Obavještenja o nabavci, pod brojem: 771-1-1-15-3-11/20.

Do 27.04.2019. godine, sa „Portala javnih nabavki BiH“ www.ejn.gov.ba, tendersku dokumentaciju je preuzelo 15 ponuđača, (Izvještaj o preuzimanju tenderske dokumentacije od strane ponuđača preuzet sa Portala javnih nabavki BiH)

Ponude su blagovremeno dostavili sljedeći ponuđači:

- MADI d.o.o. Tešanj,
- TPDC „Sarajevo“ d.d. i
- Šumi d.o.o. Zenica,

Komisija za provođenje postupka javne nabavke izvršila je detaljnu analizu blagovremeno pristiglih ponuda, te utvrdila sljedeće:

- Odbacuje se ponuda TPDC SARAJEVO d.d. iz razloga što ponuđač nije popunio Obrazac za cijenu ponude za sve stavke sadržane u Obrascu, i to u koloni "Naziv artikla" nije naveo nazive ponuđenih artikala, što nije u skladu sa tačkama 4.1. i 4.4. tenderske dokumentacije.
- Odbacuje se ponuda Šumi d.o.o. Zenica iz razloga što ponuđač nije popunio Obrazac za cijenu ponude za sve stavke sadržane u Obrascu, i to u koloni "Naziv artikla" nije naveo nazive ponuđenih artikala, što nije u skladu sa tačkama 4.1. i 4.4. tenderske dokumentacije.

Imajući u vidu naprijed navedeno ponude ponuđača TPDC SARAJEVO d.d. i Šumi d.o.o. Zenica odbacuju se u skladu sa članom 68. stav (4) tačka i) Zakona o javnim nabavkama jer iste ne ispunjavaju zahtjeve iz tenderske dokumentacije.

S obzirom da je za ovaj postupak je bila predviđena e-aukcija, a da je primljena samo jedna prihvatljiva ponuda, shodno članu 3. stav (3) Pravilnika o uslovima i načinu korištenja e-Aukcije („Službeni glasnik Bosne i Hercegovine“, broj: 66/16), e-aukcija se nije mogla zakazati, te će predmetni postupak biti okončan u skladu sa članom 69. Zakona o javnim nabavkama („Službeni glasnik Bosne i Hercegovine“, broj: 39/14).

Uzimajući u obzir sve gore navedeno, te da je ponuda ponuđača MAD I d.o.o. Tešanj prihvatljiva prema obliku, sadržaju i potpunosti, Komisija je dala preporuku Ugovornom organu da ugovor za Nabavku i isporuku prehrambenih artikala za potrebe boračke populacije u svrhu ublažavanja posljedica pandemije dodijeli ponuđaču MAD I d.o.o. Tešanj, kao jedinom prihvatljivom i najpovoljnijem ponuđaču u postupku javne nabavke.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 3 x ponuđači
1 x tenderska dokumentacija

